

مشتاق

صراط

۱۳۲۶

مطبعه و محل اداره :

جفال اوغلنده امنیت
صندوغی جوارنده
شنکول یقوشنده
۲۷ نومرو

اظطار :

مسلكمزه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسلامیه دینیه و ابرو و هفتده بر نشر اولنور .

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
۶۵	۳۵	۳۵
۶۵	۳۵	۳۵
۱۷	۹	۹

عدد : ۱۴۳

۴ جمادی الآخره پنجشنبه ۱۹ مایس ۳۲۷

آلتیجی جلد

مدنیت دنیان رداء فاخری وجود انسانیتہ کیم اکسا
ابتدی؟

گرچه انسان، مدنی بالطبع در. لکن بو مفطوریت مدنیتک
انسانی، ترقی و تکاملنی تأمینہ کافیمیدر؟
اگر «نوت...!» دینلیرسه، یا حالا طاش و طونج دورلرنده
باشامقده اولان اقوام وحشیہ نهدر؟ اولئر انسان، اولئر مدنی
بالطبع دکلې؟ فطرت انلرده کی استعداد مدنی نیچین انبساطه
کثیرمامش، نهدن جنان مدنیت خارجنده محرا نورد وحشت
قلمشیر؟ بن، حسیات مقدسه دینیہ مک مساعدۀ لطف کارانه سیله
— بی طرفانه — دوشوندیم؛ تاریخ انسانیتک بر قاج بیک سنه لک
ادواری ایچنده دولاشدم؛ انسانلری کعبۀ مدنیتہ اهدا وارشادایدن
رهبری آرادم. (دین) دن باشقه بر معلم انسانیت، بر مرشد
مدنیت بوله دم. (دین)، که

(ان الدین عندالله الاسلام)

خبر ازلیسی منطوق جلیله انسانی لک — جناب ابوالبشردن
برو — دین فطریلری (اسلام) در.
ایشته قانون انسانیت، مؤسس مدنیت بودر.

تکرار ایدیورم: اگر انسان کنندی عقلیه، کنندی استعداد
مدنیسیله کنندی تربیه مقتدر اولایدی طریق تمیزده انسانلرک
کیمی ایلرویه کیتمز، کیمی کیده بولونماز، کیمی ده بتون خارجه
قالمازدی. فقط انسانلر — اکثریتله — دینک حقیقتی، او حقیقه
الحقایق اکلایه مامشلرده او روح سعادتلرینی کمال نفرت و تحقیر ایله
رده یلتمشیر!

ایشته اقوام وحشیہ بو (رد) ک جزاسنی چکیورلر. بونلرک اسباب
فلاکتی ممکن اولسه ده تدقیق ایدیسه....! تاریخ انسانیتک، هانکی
دورنده جمعیت مدنیہ دن آیریلدقلری بولونسه حقیقت بوتون وضوحیه
میدانه چیقار.

مع مافیه بونلرک مدنیتہ قارشى محافظه ایتمکده اولدقلری موجودیت
وحشیانهاری بزه دلیل کافیدر.

بوکائناتی یارانان الله اکبر اکمل واجل مخلوقی اولان جناب آدمه
(علیه السلام) تعلیم اسما بویوردی. کتاب مدنیتک مفتاحی اولوق اوزره
اون صحیفه لوق برده (الفبا) مجموعه سی کوندردی. ایشته طفل انسانیتک
مکتب مدنیتده ایلك باشلامسی، ایلك تعلیمی بواولدی.

(ان هذا نص الصحف الاولى صحف ابراهیم وموسی)

جوجق بو یودیکجه، استعداد فطریسی انبساط ایتدیکجه درسلری
دکیشدیریلدی؛ یکی یکی جزءلر کلدی. حتی — بالاده کی آیت جلیله نکده
ناطق اولدینی وجهله — حضرت حکیم الله توراتدن اول — صوک جزء
اولوق اوزره — اون صحف ویریلدی؛ فقط آزرغین انسانلر بوارشادات
سماویه نک قدرینی بلمدیلر. توراتی، زبور، انجیلی تحریف ایتدیلر.

اگر مقتدر اولایدیلر قرآن حکیمه دهسا مدهش بر ضربه تحریف
وورورلردی. لکن او محفوظ و مأمون قالدی.

(لاواله) و بیکارجه امثالنکده — خواه ناخواه — اعتراف ایلدیکلری
کبی بوتون حقایق، مدنیتک کافۀ طرق و مسالکنی محتوی و شانی
تبدیلدن مصون، دائماً جید، دائماً طری!

ایشته مدنیت بو مجموعه قوانین حکمته، بو محله دساتیر سعاده
مدیوندر. بواولمامش اولسه مدنیتک معناسی شویله دورسون لفظی
بیله بیلنمزدی.

لاواله نک صوک سوزلرینه دقت اولونسون! «تا اداره امور بیتیه
وارنجیه قدر هر شیئه بر نظام، بر قانون وضع ایدیور. ارتق عظمت
شانی ولهار عقول اولان بویله ازلی، ابدی بر مرشد انسانیتی، بر
مؤسس مدنیتی بکنمه مک قدر ظلم عظیم تصور اولونه مز!

(ومن اعرض عن ذکرى فان له معیشتة ضنکاً)

[هرکیم — هدی للمتقین اولان — قرآن حکیمدن اعراض
ایدرسه محققدر، که انک ایچین غایت طار بر معیشت بر فقر و سفالت،
بر ذلت و مسکنت، بر مسیت، بر فلاکت واردر. چونکه قرآن
حکیم دارین سعادتنی تأمینہ یکانه رهبردر.]

اوروپالیلر، قرآن حکیمی کندیلرینه قانون اتخاذا ایتلری سایه -
سندهدر، که پری مدنیتک بو قدر دل آشوب برهیکنی تصویره موفق
اولدیلر. ایشته جانسز ایکن بودرجه نظر ربا اولان بو پرینک برده
روح ایمان و اسلامی اولسه بزم ایمان و عرفان ایله غیر قابل تألیف
اولان جهلمز بحق تحقیر ایتمش اولورلر.

ارتق صده کیره بیلیریز. شمدی تستر نسوان حقنده شوکتلی
قرآن حکیمی دیکهلم! وجدان و ایمانز وارسه امرلرینی حرز جان
ایدهلم!

مابعدی وار

محمد فخرالدین

حسب حال تاریخی

محترم صراط مستقیم مجموعه سنک (۱۳۹) نومرولو نسجه سنده
خلیل خالد بک افندی طرفیدن یازلمش بر مقاله نفیسه اوتهدنبری
فکریمی اشغال ایلین بر مسئله مهمه حقنده عاجزلرینی ده بر قاج
سوز سویلمکه تشویق ایتدی. چوق وقتدنبری خیالخانه مده دولاشان
بو تصوراتی بعدالحریه یازی یازدیغ بر غرضه ده موضوع بحث ایتکی
تصمیم ایتشیدیم. فقط آریه کیرن بعض غوائل بوکا مانع اولمشیدی.
بوکون صراط مستقیمک بر قارئ صقتیله بو بحثه اشتراکه وسیله
اولان میر مومی الیه عرض تشکرات ایلرم.

..

بزه یادی دوچار اهمال اولمش بر چوق مفاخر و مناقب...
تخطر واحیاسی معروض نسیان قلمش او قدر وقایع و بدایع

وارد دركه : هر برى اجداد مذك جهان دكر موفقیاتندن اولان بو
تروكات اسلاملافه بینه بزر قدر بی حس ولاقید قالمش بر خلف
کوستریله مز . چوغمزك بو وقایع خارق العاده یه اطلاعاری بیله
مفقود واولانلرك ایسه سطحی ویک محدوددر . حیات ما ضیمزه
عائد ، اکثر مذك بیلگیسی مزوج خرافات دینه جك درجه ده
مشوش .. اکابر اجداد مذك محیر العقول اولان اجراآت و مزایای
آنجق صحائف تاریخی قاریشیدیردیغمزده بر آن اوله رق ذهنمزه
یشار . مع الأسف ، جوق دفعه مآثر اسلاملافه عائد وثائق و تتبعاتی
بیله آثار اجنبیه نك همتمده آراز .

بو نواقص مذك فصول ودرجاتی ، قلباری حس دینی وحس
عثمانی ایله چاربان وطنداشلمزك ادرا کنه مودوعدر . بوندن
صوکره بو خطیائیزی پیدربی تصحیحه باشلیه بیایرسك ، اخلاف
نظرنده بلکه شمعی یه قدر اولان قصورلرمزی عفو ایتدیره بیایرز .
حیات اجتماعیه مزده اوج سنه اولسنه قدر کورولن پریشانی و تضییقاتی
— هر شیده اولدینی کبی — بونده ده مانع اصلی قبول ایدلم . لاکن
اونو تمیه لم که : بوندن بویله عثمانیلرك عزم ترقی پورانه سنه مانع هیچ
بر سبب کوستریله میه جکدر .

شمعی موضوع مذك فهرستی سویلیه لم : مفاخر ملیه و اعیاد
تاریخیه .

یقین وقته قدر تلفظی بیله ممنوع وجهت تطبیقیه سی موهوم
اولان شو ترکیب ، بو کونه دکن آنجق (۱۰ تموز) یوم اکبرینه
مسمی اوله بیلدی . حالبوکه بدیهیاتنددرکه : عثمانیلرك شانلی ماضیسی
زکین تاریخی بو قدر بخیل دکدر . خست وامساک شخصلرمزه
عائددرکه ؛ موروثات اجدادی لایقینه تقدیر ایدره ک اونلردن شمعی یه
قدر حصه یاب اوله مه مشر .

افوام و ملل آره سنده بعض عادات وارددرکه : اساسده بر
اولدقلری حالده شکل و تقرعات جهتیله یکدیگرندن آیری کبی
کورونورلر . عینی منابع وسوائقه تابع حالانک ، اعتقادات ،
تأثیرات محیطیه وایکنجی درجه ده بعض عوامل دولایسیله نتایج
وتطبیقاتنده بو کبی فرقلرك مشاهده سی طبعیدر .

اعیاد ، هرملته (دینی و ملی) قسملرینه آیریایر . نته کیم بزده
برنجی قسمدن عید فطر ، عید اضحی کوستریله بیلیر . بونلردن باشقه
(ایام مبارکه) نامی تحتنده : (لیلۀ برات ، لیلۀ معراج ، مولد
النبی) وسائره وارددر . نوعاً ملی اولان جلوس وولادت پادشاهی
کونلریله (۱۰ تموز) یوم مبعلی ایسه رسمی بایراملرمزدن معدوددر .
قوانینک کتب سماویه دن مقتبس وقوانین مذکورنک فی زماننا
احکام سیاسییه مأخذ اوللرینه نظراً ، (اعیاد دینی) ده پک معیندار
نکات سیاسی ، مندیج اولدیغنه حکم اولنور . نته کیم موحدین ایچون ،
بر [عید اکبر] اولان (حج) و خاصۀ (یوم عرفات) زمانمزه
اوروپالوردن (قونفره) شکنده اقتباس ایتک ایسته دیکمز اجتماعلرك
اک جلیسی وحتی منشأ و مصدری اولان بر (مؤتمر اسلام) در .

صدهزار تأسف که ؛ بزمسلمانلر ، بواجتماع قدسیدسکی منافعی ، اوبقعه
مبارکه یه کیدوب کلک کلفتندن باشقه جهتمده کوروب آرایه میورز .
نه حزین برمنظره درکه : روابطک الک متینی اولان علائق دینه ایله
یکدیگرلرینه باغی اولان بش قطعه نك دین قارداشلیری ، عینی حسیات
ایله چاربان قلبلری دیکله مک عقل ایردیره میهرک عینی جریحه دن متالم
اولان سینهلرینی برلرینه آچه میورلر . دردلری سویاشه میورلر .
آنجق بر (پاناروما) سیر ایدرکبی یکدیگرینه مبهوتانه ویبانهجی نظرلرله
باقیورلر .

بزده قبول و تعمیمی الزم اولان (اعیاد تاریخی) نك برنجی درجه
سند خلیل خالد بک افندی نك بیوردقلری کبی [خلافتک آل عثمانه
یوم انتقاللری] کورورز . دینی و ملی اولمقله ذوالوجهین اولان او
یوم عالینک حدود احتیاساتی ماورای ارضی محیط بر درجه وسعتده
در . اومقدس و بویوک کون ، شوکت اسلامیه نك مبدأ تجدد و احیاسی ..
بنای عثمانینک یوم ترصین و اعلا سیدر .

یوم مذکورده طرف خلافتنا هیدن کبری اسلامه توجیه مناسب
وارسال هدایا وسائره حقنده میر موسی الیهک درمیان بیوردقلری
موادی پک موافق بولورز .

بوندن ماعدا اهم و عثمانیلر ایچون بر یوم مخصوص اتخاذینه
شایسته کورولن تاریخی کونلر ایسه :

- ۱ — استقلال عثمانی
- ۲ — روم ابلی یه مرور
- ۳ — فتح قسطنطنیه
- ۴ — تنظیمات خیره در .

شوایم ، باشقه بر نقطه نظرله تدقیق دنا صکره شکل آخرله ده تصنیف
ایدیلیر . یعنی بونلر خصوصی [موضعی] و (عمومی) صورتلرنده
ده قبول اولنه بیایر . مثلاً : (استقلال عثمانی) دولتمزک یوم حیاتبخشاسی
اولدیغنان (عمومی و ملی) بر یوم عید اطلاقه جذاً لایقدر .
(روم ابلی یه مرور) ایله (فتح قسطنطنیه) نك اعیاد عسکریه
(خصوصی) میاننه ادخالیه مراسم متعینه سنک موقعلرینه حصری
ممکندر . (تنظیمات خیره) یوم اعلانک ایسه صرف محافل دیپلوماتیقه
مزجه بر یوم مخصوص عدی مناسبدر .

بوصایدقلرمزك خارجنده قالمش ده او قدر شانلی و پرمفخرت ایامز
وارددرکه ، امثالنه هیچ برملتک تاریخنده تصادف اولنماز . کوکل
ایسته رکه ، هر صنف متفکرین تاریخ مسدکیسنک اوایام شرف آورینی
هرسنه تحیل ایتسین .

عسکرلرمزجه : قوصوه ، نیکبولی ، چالدران ، قنیره ، بلونه
ظفرلری عجباً بو کبی تقدیساته لایق دکیدر ؟ جزئی بر اثبوت بوفکر
موقع فعله ایصاله کافیدر ظننده یز . بدایتاً — طبیعتله ولوکه کوچوک
مقیاسده موفق اولونسون — بونی عسکری قلوبلرمزك اقدام وظائفندن
عداید وهرتشبده اولانی کبی بونی ده — امثال نمونه اولمق اوزره —
محترم عسکر قارداشلرمزك همتمدن بکله رز . دیکرلری ایچون ده دوائر

بلدیہ منزلہ (عثمانی اتحاد و ترقی) قلوبلرینک صرف غیرت ایلملری لازمکلیز . مثلاً : بروسه ، سالانیک ، ادرنه ، اسکوب ، مناستر ، یانیہ و سائر مراکز مهمہ دوائر بلدیہ و قلوبلری شریک مساعی ایلدکلری تقدیرده شهرلرینه مخصوص بریوم تاریخی قبول ایده بیلیرلر . بونکده انکسناسی اوشهرک قبضه عثمانیہ کچدیکی کوندر . [پیشوای حریت اولان محترم رسنه لیلرک رفع لوای جهاد ایتدکلری کونده ، قهرمان مناستر لیلرکده مؤکل استبداد اولان شمس پاشانک خاک مذلتہ سریلدیکی کون ایچون ایکی سنه دنبری مراسم مخصوصه ایفایتدکلری معلوم اولدیغندن .]
 بوحیط مستثنانک شوصورتلهده ملتزمه نمونه اولملری جدیر تقدیردر [انقلاب ادیمزک ک بویوک سیالرندن اولان (نامق کلاک) ، (عبدالحق حامدک) و ماضی شان و شوکتیمزک قهرمان قوماندانلرینک سنه دوریه لرندہ هیچ اولمازسه مسلکدا شرنجه اوبویوک و مفروز ناملره قارشى بر مراسم احترامکارانه ایفاسی مناسب دکلیدر ؟ غریک هر طرفنده بوتون اساتید صنعتکارانی ، دهاته و فضالاسی ، رجال و حکمدارانی حضور لرندہ اجرالری معتاد اولان بو خصوصی و تاریخی کونلرک بزده تشمیل و تجلی عجبا محالمی ؟ عصر منک انک نامدار قوماندانلرندن اولان (عولج پاشانک) خدمت عسکریه الینجی سنه دخولی مراسمنک پک بارلاق بر صورتده المایاده یایلدیغی صوک تلغرافلر بزه بیلدیر ییور عثمانی اردوسندهده بوکا نمائل تاریخی و ممتاز سیالر الان یشامقدهدر بزدهکی نواقص اجتماعنک الهممی اسلافزده و آثار اجدادمنزه قارشى اولان محبتیمزک صرف لفظی و بسیط شکلره انحصاری ، فکر تعمیقک مفقودیتیدر . یایتختمزده خواص و عوام ایچون بر زیارتکاه عمومی ارلان (حضرت بابایوب الانصاری) حقنده اکثر اثرینک فکری مشهوداتنک خارجنه چقامز . تربۀ فاتحک سمتنه اوغرامیز . مقبر سلطان سلیم ایسه آنجق نظارت موقعیه سی حسیله جوار سکا تبحر برکرسى تماشا عدا اولنور . یایتختمزک سورلری ایچنده مورخلک ایله کچیندیکی حالده موزه لرمنی مواقع تاریخی منی زیارت ایتیمز . محررین متبعه زمهره سندن ایکن کتبخانه لرمنک سمیتی اوکریمز . صنف حربدن ایکن عسکری موزه سنه اوغرامه مش اولانلرمن چوقدر . شوسوزلرمنه هیچ رمعناى تعریض و بدینى عطف اولنمه ملیدر .

مقصدمن ، عمومی معالپرستلکه ، قدر شناسلغه مسلککری داخلنده تبعه تشویقدر . بز اسلافزک معاصر لرمنک آثار کمالاتی . . ماضیمزک ملوی شان و شرف اولان ایامنی توقیر و احیا ایتزسهک اصل بدینلک و حتی آثار زوال اووقت باش کوسترر . صوک زمانلرده بعض مکاتب عالیہ طلبه سنک معلملری ریاستنده مسموع اولان بوقیل زیارتلری ، توسع و تزیادی آرزو اولنان برخطوة ترقیدر .

اوروپاده موزه لر ، کتبخانه لر هر وقت هر صنفدن بیکارجه تشنکان معارفله طولودر . اولنلرک تزهنگاهلری بیله ترجیحاً مواقع تاریخیدر . آن تنفسلری بیله آبدات مشاهیر اوکنده کچر . بویله برلرده فوج فوج مکتب شاگردانه ، برچوق مربی و مربیه لره تصادف اولنور . آمریقانک تا کو بکنندن . اوروپانک منتهای غریبسنان قالقان

برمتبع اولککه منکک هجری ویا لچین کوشه لرینه ، انکخوف وایصسر صحرالرینه قدر صوقولیور . عودتنده فکری و جیبیلری دینه لرله ملو اوله رق عودت ایدیور . واترلوی ، سدانى ، طونه بویلرینی بالقان کچیلرینی کورمک ایچون اقصابی شرق وغربدن متبحرین کلرر . ماکدونیا ده یانان برصمانلنی تدقیق هوسيله شمالدن ، جنوبدن مور خار قوشویور . بز لر ایسه الان بورونمزک اوچندهکی (پلونه) پی کور- میورز . مشهاد اجداد منی بیله میورز . قلبسکاهز اولان ناملی وشانلی برقطعه مبارکه بهزی ینه آنجق قدر شناس ، معالپرست ، وطنپرور و دنیالر قدر بویوک و نجیب قلبی محترم پادشاهز سوروکلیرور . عجبا ایچمزه هلال عثمانینک طوغدینى (سکود) افقرینى ، (طومانیج) یایلارلرینی کورنلرمن قاجره بالغ اولور ؟ بز لر دکل زیارت و همتلرمنله اولنلری احیا ایدهم ، بیکلر کره تأسفکه حسن محافظه لرینه بیله اعنا ایده میورز . مقاله منک مبادیسنده هر منکک موضوعمن اولان (اعتبار تاریخیه) یه متمسک و حتی محتاج اولدقلرینی سویلیمشیدک . اوزاقدن مثال کتیرمکه حاجت یوقدر . کندی و طنداشلرمندن اولان عناصر خرستیانیه پی بو عادات معقوله به پک رعایتکار کورو یورز . نته کم اولنلرده هر کلیسانک هر مناسترک و حتی اک کوچوک برزاویهک خصوصی کونلرندن ماعدا علوم و فنون راضه لرینک ، ملتک خیر و حسنه چالیشمش اکا برک مشاهیر اغیانک بریوم تقدیسلری واردر ، بز موضوعمنک خارچنده قلان جهت دینه دن صرف نظر ایدم . روم ایلیده کثرتله بولنان (مناستر) لرده سنه نک معین اولان بریوم تاریخیسنده پنایرلر قورولور . هر طرفدن زوار کلیر ، محلی خاقنک جوار سکنه سيله آشنالنی ، انسیتی آرتار . دیمک بو عادات هم اجتماعات و هم اقتصادیات جهتله ده تأمین منافع ایدیور . بومناسبته تاریخی کونلرک محلی بودجه لرینه بر بار اولیه جغفی ده استخراج ایده بیلیرز . بز شومقاله مزده تعداد ایتدکلر منک جمله سنک شکل رسمیده قبول اولنه بیله ککنی - شمیدیلک - پک امید ایده میز . بونلر ، علاقه دارانجه تدریجاً تعیم ایتدیرلرکدن صکره اظا هر نفعلری حالنده طبیعتله تکمیل ایده کک و شکل رسمی آله حق تشبیلرنددر . بوکاوصول ایچون شمیدین قلوبلرمنله مقشبت دوائر بلدیہ منکک ، جمعیات خصوصیه نک - پروغراملری و مسلککری داخلنده - ایشه باشلاملری لازمکلیر .

شوقدر وارکه ، خلافتک آل عثمانه انتقالی ایله استقلال عثمانی ایام مخصوصه سی ، تأخیرلری تجویز اولنمه میه جق مفاخر ملیه دن اولدقلرندن بونلر ایچون - مستثنا اوله رق - حکومتمزک تشبثات رسمیه سی انسیدر . بوباده بر لایحه قانونیه تنظیمی ایله تخصیصات طلبی ایسه مدقق و عنعنات تاریخیه رعایتکار اولان مبعوثین محترمه نک عهدۀ حینلرینه توجه ایدر ظننده یز .

اوروپالیر ، رفاه و ترقیلرینه عائد جمعیات و مؤسساتک اهملری ، بیتیره رک زمانمزه عادتاً حظوظات و غرابت دورهنه کیرمشاردر . غریک هر کوشه سنده معارفه ، صناعته ، حایه حیواناته مخصوص جمعیتلره تصادف اولنور . بونلرندن باشقه بکارلر ، کورلر ، طوباللر ، طوللر ، جوجهلر ، شیشمانلر ، کوزلار و سائر نامنه برچوق

مؤسسه‌ها شکل ایدیور . لاکین بزه غریب کورونن بو مؤسسه‌ها ، امین اوله‌لم که ؛ ینه فنه ، مدنیه خدمتی اساس اتخاذا ایتشلردر .

خلاصه مقصد و مطلبمز ، بزدهده بر [مفاخر ملیه جمعیتی] تشکیلد . بو بابدیکی همتی ایسه اک زیاده تاریخ انجمنندن ، ترک درنکنندن ، اتحاد و ترقی جمعیت محترمه سیله موزهلر مدیریتی وسائر علاقه دار اولان مؤسسات منتسبینندن بکله رز .

اعیاد ملیه کونلری ، قونفرملر عقصدی ، رساله‌ها نشری ، قونفره‌رانسلر ، قوشولر ترتیبی ، سیاحت و زیارتلر اجرایی ، او کونه عائد وقایع تاریخیه‌نک تیارولرده تمثیلی کبی وساططه مفاخر ملیه‌یه متعلق نگاه تاریخیه‌نک افکار عوامه قدر تلقینی فائده بخش اوله جفتندن بویله بربروغرامک تعقیبی لازمدر .

قویاً ادعا ایدرزکه ، مردمکریز ، وحدت کزین اولمق دائمی ضرر . اجتماع و مشارکت هر وقت فائده تولید ایدر . مناقب اجدادی افسانه‌ها صورتنده دیکله‌مک بزلی شهره ترقی‌یه کوتوره‌جکته ، خطوات رجعت تشویق ایدر . کورمک ایشتمک . نه مکلمک اوطورمغه هر حالده مرجحدر .

مظفر صالحی

قواله - ۵ مایس ۱۳۲۷ -

امل بولنده ..

هرکس خاطرلار : بوندن اوچ سنه اول ، ۱۰ تموزده ، عثمانلی ملتی آرتق حد بلوغه ایردیکی ، آرتق ولی روصیه‌یه ، هاله صرف کندی منفعتلرینه خادم ، کیف و هوسلرینه تابع ، ظلم و استبداده مائل ولی و وصیلره محتاج اولمادیغنی اوقدر کور سسله ، اوقدر قطعی باغردی که ولی و صیلک کسوه‌سنه صاقلانوب ، ملتک ایلکنی امدنلر ، قاننی قورونانلر ، بر آن بیله یرلرنده قالمادیلر ؛ هان ، کیمی قاجارق قورتولمه‌یه ، کیمی هر صورتله خدمت و صداقتی اثبات ایله عفو اولونمه‌یه چالیشدی . ۱۰ تموز ، عثمانی ملتک سن رشده واصل اولدینی نومبارک کون ، او ملتک کچمش حیساتده یازلاق بر امل ایدی . ملت بر چوق قراکلق سنلر ، او آیدنلق کونه طوغری ، ایلرولیوردی ، امل بولنده « یورییوردی ...

لکن بوامل یولی ، چالیرله ، دیکنلرله ، حتی یار و اوچوروملرله کسلمشدی : نور ایچنده پارلایان تمثال امله ، او لطیف قیزه ایرشمک ایچون ، اسیکی ایران مثاللرینک قهرمانلری کبی پیلاان و جیپانلرک زهرلرندن ، اژدرلرک آتش صاچان آغزلرندن ، دیولرک قورقنچ طیرناقلی نیچهلرندن قورتولمق لازمدی ..

هیچ‌شبهه یوق که ملتک بوتون افرادی ، امل بولنده یورو یورلردی ؛ لکن ملتک فضائل و محاسنی تمثیل ایدن کنجلر ، بوحقیقی قهرمانلر ، امل بولنک کوزه چاربان یولچیلری ایدی .

بو کنج قهرمانلرک بر خیللی « امل بولنده » اوچوروملره یوارلانیدیلر ، اوراده قراکقلر ایچنده یانان قیزیل اژدرلرک ، دیولرک دیشلرینه لوقه اولدیلر ؛ بعضلری یالکزچالی و دیکن یارمه‌سیله قورتیلارلق

یوللرینه دوام ایده یلیدیلر و نهایت امله‌نک ، نور ایچنده پارلایان اوکوزل قیزه قاووشدیلر . .

امل بولنک ، شمدی‌یه قدر برسیاحتنامه‌سی یازیلاماشدی . بو هفته چیقان نفیس بر کتاب ، اوا کسیکلیکی قسماً طولیدردی . . امل بولنده . . « محرری بویوک قارده‌شم علی فخری بک ، او بولک ، هیچ یورولمق بیلمز بریولجیسی ایدی . برمدت برابر جهده یولداشلق ایتشدک . بکا و یردیکی کتابنده : اکر ماضیکک برقاچ طاتلی ساعتی یاشایه بیلمز سه‌ک بختیارم » دیور . عزیزم علی فخری ، بن او کتابده ماضینک برقاچ طاتلی ساعتی دکل . برقاچ طاتلی و آجی‌سنه سنی یاشادم ، یاشایه بیلدم . . و امینم که « امل بولنده . . » بی او قویان هرکس ، بر آووج کنجک ، استابول مکتبلرندن ، طاش قیشله ، ضبطیه و ترسانه زندانلرینه ، اورادن طرابلس غرب قلعه‌لرینه ، فیزان چوللرینه ، ناصل سورولدیکنی صحیح کورمک ، اونلرک طویغوسنی طویاجق ، بر قاچ سنه ، اونلرله برلکده یاشایه‌جق ، حاصلی امل بولنک بوتون عذابلرینه رغماً لذتی اولان یولچیلنی ایده‌جک و بونکچون سکا متشکر قالاچقدر . .

علی فخری بک اثرینک بر وثیقه تاریخیه اولمندن زیاده لذتله اوقونور بر سیاحتنامه ، حتی ادبی بر حکایه اول سنه چالیشمشدر . اثرنده خیل موفقیته رسم اولمش لوحه‌لره ، اپی اینجه‌لکله تحلیل ایدیلمش حسیاته راست کلنیر . فخری بکک ، آره صره شاعرلیکی واعظلیکی ، اخلاق معلملیکی غلبه چالمش اولماسه ایدی ، بو تحلیللر ، بو لوحه‌لرده ، قیمتدار و نائق تاریخیه‌دن صاییله بیلوردی . . لکن علی فخری بک استیورکه امل یولی یولچیلری ، بشریته خاص نقایصدن ، اولدیغندن زیاده معرا کورونسوزلر : اونلرک حیاتی بر چوق وطنداشیلرینه مثال و عبرت اولسون ... ایشته بو ارزو ، اخلاق ماملکی اینک ارزوسنی ، امل بولنک . . بعض قوبتو کوشه‌لرینی کوسترمکدن ، مؤلفنی منع ایتشمشدر . بونکله برابر ، قانم که « امل بولنده . . » کنج تورکلرک دور سابقده‌کی حیاتی مصور اوله‌رق بو کونه قدر یازیلمش کنا بلرک وقایعنی حقایقه اک زیاده یاقلاشدیرانیدر . یولداشمنی موفقیته تبریک ایدرم ؛ سوزیمه اینانان قاره‌لریمده « امل بولنده . . » بی اوقومه‌لرینی توصیه ایدرم .

امل بولنده یولچیلرندن بری



مکاتیب

طوکیو

ژاپونیا مجلسی مبعوثاننده ...

ژاپونیا مجلس مبعوثانندن بحث ایدیلنجه احتمالکه بتون وطنداشلرم محشم و مزین بر بناده یاخود سرایده بولنه جقلرینی ظن ایدرلر . بنده ابتدای امرده بویله بر فکره ذاهب اولمش و مشاهداتی اولصورته